

吳君如與張天賦（MC）前晚出席主演電影首映禮，君如笑言希望將來有機會當MC的演唱會嘉賓，MC初時表示很期待，但當被要求勾手指尾兌現承諾時，他竟稱要跟經理人商量，君如即扮翻表示：「係咪嫌棄我？」之後MC解釋：「我驚你唱得好過我！」不過君如當然唔信，繼續「追擊」MC，非常搞笑！

■君如詞鋒銳利，MC招架得非常吃力。

## 出動私伙衫撐香港電影

# 君如自薦合唱 MC唔敢應承



■ 蔣祖曼有懷孕經驗，駕輕就熟。

■ 只要劇本好，君如不介意收「遷就價」。

吳君如、張天賦（MC）與蔣祖曼等前晚到沙田出席電影《我談的那場戀愛》首映禮。君如透露飾演非常有錢的婦科醫生，因太寂寞玩交友App，結果被騙過百萬美元：「我真心畀個法國工程師呢，若然知道原來係MC，再畀佢呢多啲錢都有問題，哈哈！」問二人繼合作電影後，下次會否合唱？MC笑言要問君如意見，君如即說：「首先要問我係咪五音不全，其實我要求下次MC舉行個人演唱會，請我做特別嘉賓合唱呢套戲嘅主題曲。」MC說：「此話當真？期待呢個畫面。」當司儀要求二人勾手指尾兌現承諾，MC卻反口稱要再商量，君如說：「係咪嫌棄我？唔怪得你入到詐騙集團！」

二人受訪時，問MC是否不給面子君如？君如搶答：「我幾開心呀，心諗睇演唱會同佢合唱，但佢就話要問經理人，我懷疑你驚我唱衰個場演唱會！」MC解釋：「我驚你唱得好

過我！」君如反駁：「若果唱得好過你，我做啲歌手啦，我係一個唔成功嘅歌星，哈哈！」

### 蔣祖曼撐無綫加薪合理

提到君如之前接受鄭裕玲訪問，自爆當年無綫加薪很少，問她擔不擔心無綫變？她說：「我講嘅係個年代，唔係依家。我有返去主持《星星同學會》，但劇就唔拍嘞。」對於監製及導演表示拍這部戲資金有限，問她是否貼錢拍戲？她說：「佢哋問我有冇服裝同袋可以拎出嚟，我擺咗啲出嚟，佢哋用咗我部分衫，之後巧妙創造咗一個角色。我希望呢套戲大收，咁我哋就有分紅。」

（片酬好少？）係遷就價，可以話為咗支持香港

電影。」至於MC是否收足片酬？他表示要問公司才知道，自己未去到可以談薪酬的資格。

蔣祖曼於片中飾演懷孕女警，笑言早前拍劇才演過懷孕模特兒，和大肚婆角色很有緣。對於前輩君如爆無綫當年加薪少，她即為公司平反：「前輩係好多年前嘅事，無綫加薪人人唔同，我人工還可以啦，但加幾多就唔講得，係商業秘密，總之夠生活，唔使貼錢拍劇。」她續指自己曾拍電影，但當年多數接拍獨立電影，反而收入不高，要做兼職維持生計，做過外賣員及知客等。

■ 克勤攬住公仔深情唱歌，畫面有趣。



## 陳凱詠有望奪叱咤女歌手獎



■ 陳凱詠的新歌大受歡迎。

以獨立歌手身份重返樂壇的陳凱詠（Jace）繼《百妖夜行的修行》獲得叱咤903專業推介冠軍後，本年度第二首派台歌《間歇性休眠》亦奪冠，同時她與呂爵安的合唱《漸漸我們》上榜第17位。時隔兩個月，今是Jace第二次於同一週內擁有兩首單曲上榜。《間歇性休眠》背後隱藏她作為獨立歌手的真實歷程，道出生活中的辛酸與無奈，提醒自己在適當時學會休息。另外，根據網上統計，Jace的歌曲播放率已達女歌手第二位，僅次於李幸倪，有望於明年爭奪叱咤女歌手獎。

■ Dee（左）與193飾演情敵。



### Dee輸身高爭女唔及193

由雲浩影（Cloud）、郭嘉駿（193）、何啟華（Dee）等主演的Viu原創劇《同居少女諸事卜》，劇情講述193向Cloud求婚，但因女方心繫Dee，最終193慘食檸檬，不過現實中Dee自嘲沒可能爭贏193：「因為我同193出trip，大家都係男仔，但女士們對我哋真係有差別待遇，高你20cm真係唔同，高大就鑿住靚仔，有才華都有用！」Dee又讚Cloud有演戲天分：「佢除咗唱歌之外，可以考慮做多啲戲。」193則指：「Cloud第一次做戲做得幾好，冇七NG，睇得出做足功課。」



■ 雲浩影婉拒193求婚。

## 上海開騷狂收公仔 克勤被取笑變全紅嬋

李克勤最近參加最新一季《披荊斬棘》，其《我們的交響樂世界巡迴演唱會》同步進行，上周剛完成上海站，9月21日及22日他又到澳門倫敦人開騷！他笑言最難忘上海歌迷不停拋公仔上台：「已經唔係第一次，上兩站都有歌迷送禮物畀我。唔知佢哋係咪覺得咁樣好好玩，今次上海站特別多，真係拋咗幾十隻上嚟咁滯。（當你係全紅嬋？）唔係咩？係咪依家流行咁樣呀？可能歌迷心目中嘅我仲未長大，或者送畀我团团。不過無論送咩畀我都好，我都開心，其實唔止公仔，歌迷仲送咗個好靚蛋糕畀我，好有心思。」

是次上海演唱會，克勤於管樂中加了一位彈鋼琴的老師，他說：「佢都係一位藝術家，琴技非常精彩，9月中我再去澳門站演出，兩場我都會帶埋鋼琴老師去，畀大家欣賞佢精彩技術。」